



南巡盛典

河防

卷五十三

784
1189
22





南巡盛典卷五十三

河防

駘

馬



湖

圖

南巡盛典

卷五十三

河防





駱馬湖在宿遷縣之西北境環繞一百五十餘里上承東省蒙沂白馬諸河之水滙爲巨浸一由湖之尾間洩入六塘河經宿桃安清海五州縣入海一由運河北隄入中河至楊家莊滙黃入海此湖水之源委也查駱馬湖入中河之處舊卽十字河口門與竹絡壩通黃之口門正對黃水盛漲之時直趨灌湖日漸淤墊雍正五年前河臣齊蘇勒將通湖口門堵閉另於上游王家溝建五孔石閘分洩

湖水入運以濟漕因閘底較高不能暢流經

臣高斌將石底起深以資宣洩復於乾隆十

三年在王家溝迤下柳園頭建三孔深底石閘設板啟閉內挑通湖引河一道長一千餘丈引導湖水以濟運臣謹按中河重運經臨須藉湖水接濟當預爲收蓄以濟運行是以冬春常慮其不足宿遷等縣之民田俱爲駱馬湖下游經由入海之地一經泛漲每致淹浸是以夏秋常慮其有餘臣每年於霜降水

勢平定之時將尾閘正引河甯家河等處一律堵築瀦蓄湖水不使外出來春糧艘盛行中河水勢微弱將三孔閘啟板并於王家溝分洩以濟漕運之不足至夏間糧船過完二麥收穫之後將尾閘啟放由六塘河下注又恐六塘容受不能過多將正引河甯家河等處相機酌放不令全啟使之循序而進其通運之三孔閘王家溝仍照舊啟放使由中河分洩是駱馬一湖冬春水小則宜堵壩蓄瀦以收濟運之益夏秋水大則宜相機啟放使無泛溢之虞



南巡盛典 卷五十三
謹查康熙三十九年間前河臣張鵬翮請於
桃源運河北岸劉老澗地方建九孔石壩一
座以宣洩運河之水由六塘河經海州安東
縣之碩項湖串入運鹽河以達於海嗣因黃
水入運勢盛每一啟放散漫停淤兼之六塘
河爲駱馬湖下委每遇伏秋水勢頗爲浩瀚
若再添入劉老澗減洩之水難於容納致滋
泛濫臣高斌於乾隆十一年奏請將劉老澗
壩堵閉無容常放在案又查王營減壩係康

熙四十五年前河臣張鵬翮奏請建造以分
減黃水由運鹽河入海但鹽河地面窄狹卽
使啟放所洩不多不能減黃河之水勢而黃
水挾沙灌入反將鹽河淤墊有損無益臣高
斌於乾隆十一年奏請將王營減壩照乾隆
八年原議必俟黃水異漲始行啟放在案臣
等伏查近年以來黃水不入中河河道日漸
刷深暢流下注更無藉劉老澗石壩以資分
減至王營減壩旣無分減實濟又慮淤墊鹽



河并使六塘河下洩之水流行不暢均無裨
 益以上兩處石壩應請照舊堵閉非遇異漲
 無庸啟放

水對北流入又排鹽西氣登百其無益
 對海效洩與不交不消氣黃西之水轉而
 氣黃水由數鹽西入或出鹽西狀面穿其
 照四十五平前西出西氣隔表請教以

鹽

河

圖




鹽河係康熙二十六年前河臣靳輔題請挑濬由清河縣歷山陽縣之朱元莊安東縣之平旺河達袁家河至海州之新安鎮武障河入潮河歸海其臨運之口門舊在清河縣西康熙四十二年改運口於楊莊遂移鹽河口門於楊莊迤上之花家莊建造石閘以資啟閉雍正九年因大溜下移形勢不順將石閘堵閉改建草壩爲淮北各場鹽艘運行并葦蕩左營暨各廳運料之要道其所經之清河

山陽安東海州各邑民田藉以灌溉民間柴米船隻藉以通行而中河盛漲之水亦於此分洩每年當冬春中河水小之時則將鹽河口門草壩堵閉以蓄水濟漕夏秋糧艘過完之後則將草壩啟放以運送鹽柴船隻爲利甚溥但河身逼窄而河道又紆曲綿長從前宿遷竹絡壩口門通入黃河之水挾帶泥沙與王營減壩之水俱洩入鹽河往往易致淤墊阻礙鹽運今竹絡壩與王營減壩旣皆節

宣有制則黃水自無沙停淤淺之患現在水利案內復於鹽河以下之武障河項家冲牛墩河六里河義澤河等處各建滾水石壩使水勢蓄洩有度惟在口門草壩啟閉合宜則運道民生與鹽運工料均資利益

此項草壩中河水小之部限漲壩河米漲變蘇以應行而中河盛漲之水亦於山則安東兩州各邑及田畝以應漲只開

楊家莊連日圖



南 河黃 工壩 縣河清 閘皇玉 仲莊閘 中河運 閘雙 西 北

黃河交匯

陶莊閘

陶莊積土

惠濟祠

石工

東

頭壩 二壩 三壩

中河口

楊家莊

鹽閘

鹽河

西

北

南巡盛典 卷五十三
楊家莊運口康熙四十二年欽奉



聖祖仁皇帝指示改挑以利漕運先是中河運道由清河縣之上仲莊閘出口形勢未順逼溜南趨切近黃淮交會之區有助黃灌清之患恭逢

聖祖仁皇帝於四十二年春巡視南河審察形勢指授善後之計命於陶莊迤下之楊家莊改挑運口與仲莊閘相距十餘里在清黃交會之下游黃流平緩情形頓異惟時前河臣張鵬

翮遵奉

諭旨於清河縣運河之雙金門閘地方挑河長二千三百八丈兩岸創建堤工因雙金門閘磯心窄狹難以行運盡行拆去另建草壩裹護又建草壩二座均爲鉗束河流之用嗣因中河水勢充暢無需石閘啟閉惟添建三草壩足資收蓄使清水不致驟洩又得遞加約束鼓其力以禦黃此皆仰蒙

聖祖仁皇帝聖謨獨斷指示楊家莊運口得地勢之



南巡盛典
卷五十三
河防
左

洪澤湖三滾壩於康熙四十年前河臣張鵬
翮題建一北壩一南壩俱寬七十丈一中壩
寬六十丈因其時六壩既經堵塞大汎水漲
若專恃運口以爲尾閭則高堰危於是議設
減水三石壩以洩溢漕之水其舊壩原有天
然南北二壩仍留以備異漲各壩滾下之水
俱由草字唐漕等河分洩入白馬寶應諸湖
歷高郵邵伯入運以達於江又乾隆十一年
臣高斌奏准將滾壩迤南之蔣壩石閘修建

每年酌看情形相機啟放在案查洪澤湖會
黃濟運必須併力收蓄使之常盛方能暢出
清口不致有黃水倒灌之患值伏秋盛漲有
餘之水必早爲分洩高堰一帶方能容受現
在南北中三石壩總以高堰水誌長至八尺
五寸以外聽其過水其八尺五寸以內則水
已低於壩脊常得收蓄以會黃濟運既可以
洩溢漕之水而仍能留平漕之水則減水之
法誠莫如滾壩爲最善也至天然南北二壩



該處係屬土壩並無石基一經啟放則全湖之水徹底奔注寶應高郵邵伯諸湖勢難容受必須將運河東堤南關車邏等壩啟放下河各州縣田廬受淹且分洩太多水退之後湖水受虧不能會黃濟運是天然二壩誠未可輕議啟放也臣謹按洪湖爲全淮委注之地汪洋浩瀚天然壩旣未可輕啟若專恃南北中三滾壩過水其蔣家閘分洩亦屬無多不能一時消退設遇出格之水湖身不能容

受則淮揚二郡深爲可患臣曾於乾隆八年奏請添建二滾水石壩估銀一十一萬餘兩

嗣經

廷議以天然壩地亢灘高所受之水原係淮漲分流漫注倒漾之餘水令將現在土壩改與南壩相平過水停其建石迨乾隆十年南滾壩過水二寸卽啟天然土壩汕刷寬深仍係徹底開放隨經搶護堵閉乾隆十一年臣復經奏明俟南滾壩過水三尺之時再行相機

啟放在案臣細加籌畫熟察水勢情形乾隆十四年湖水加長自六月初一日滾壩過水後至七月十二日水勢有長無消滾壩過水已至三尺一時不能消退高堰全隄甚爲可慮急須啟壩分洩臣因下河民生關係是以慎重堅忍未放幸水勢漸退保護無虞據此試驗情形若再添兩滾壩則減洩旣多水退自速應請仍照乾隆八年原議相度地勢添建二石壩其天然舊壩照舊堵閉庶節宣有制異漲旣可多爲分減而過水只在壩面以上一經平壩便已斷流於全湖應蓄之水毫無損礙與天然壩之徹底啟放致清水受虧者迥別兼之循序漸下下游不致有驟漲之虞而高堰一帶又可無危險之患



洪澤湖在山陽縣西南清河縣東南盱眙縣
東北周環三百餘里發源河南桐栢經信陽
羅山息縣光州新蔡固始霍邱至正陽關與
汝水合又經安徽壽州與淝水合歷臨淮懷
遠五河泗州盱眙合豫皖諸山河之水滙爲
洪澤湖由清口會黃入海隄工自武家墩至
秦家高崗長一萬七千餘丈查洪澤湖地居
淮揚數十州縣之上游堰盱隄工所以障全
淮之水使不得分流旁出併力北趨以與黃
會復分入運口以通運道乃黃運兩河之關
鍵也先是堤身單薄石工間段帮築不足以
資捍禦屢致衝潰淮揚頻告水災淮水勢分
力弱黃水倒灌入湖運口淤墊運道民生均
爲可慮歷蒙

聖祖仁皇帝南巡

親臨指示堅築高堰堵閉六壩使淮水得歸故道暢
出清口雍正八年荷蒙

世宗憲皇帝智神天縱洞悉機宜

特降諭旨以治河之道惟有使黃水暢流無所壅滯則永慶安瀾然欲使黃水無所壅滯必須保固高堰堤工使清水力能敵黃且以助其暢流之勢則河工可以永遠無虞發戶部帑金一百萬兩將堤工險要之所及單薄之處俱加修石工務令堅固高厚以爲久遠之計欽此欽遵自石工大加興築以後屹若金墉捍禦洪澤全湖巨浪保護淮揚二郡民生蓄清會黃利漕濟運

聖德神謨功成底定誠千古不易之章程也

臣高斌

竊查高堰一帶石堤現今完固間有舊石工殘缺隨時修整惟土堤尚有未能一律之處緣湖水汪洋浩瀚兼以西風鼓浪洶湧搏擊漸次汕刷尾土查自武家墩至秦家高崗有寬十餘丈者有寬七八九丈者且有僅寬五六丈者雖土堤之外俱有磚石工程原可無虞而萬全之策必須將尾土再加修築高厚惟是堤長一萬七千餘丈工費浩繁

臣周歷

往來再三籌畫計通身帮寬一律以十丈爲

率約需土方銀五萬餘兩若即於堰盱二廳
 歲搶修柴埽工內分年節省妥辦土工則數
 年之間可以一律完整不須另請錢糧該處
 土性頗堅足資捍禦將來俱寬至十丈則既
 有石工以為外捍復厚其土堤以資保障高
 堰一帶大堤益增鞏固正以仰體


世宗憲皇帝大修石堤保固高堰之

聖謨昭垂久遠而淮揚數十州縣民生咸底安全萬

世永賴實為大有裨益欣逢

鑾輅南巡

親臨指授臣敬謹遵守不敢稍忽



以味數者莫或能辨水必對
 而內蠶菊蘇鐵嶺以蘇蘇
 飲東西兩澤以水與水
 黃河數之思東西兩澤
 石工 三岔引河 楊家莊引河 天然引河 湖澤洪 張福河口引河 天賜引河 運口 東堤 西堤 御堤 益 益 匯交黃青 工埽 莊陶 治舊縣河清 王積 陶莊 雙閘 開監 楊家莊 中河口 直隸廠 二井 千根旗杆 五孔橋 浦江清 開江清 工埽路車

洪澤湖滙豫省七十二山溪之水出清口會黃以注海爲黃淮之要津全河之關鍵藉力於東西兩壩以定機宜蓋黃水勢大則遏淮而內灌故病淮卽以病運者莫如黃禦黃卽以利運者莫如淮淮水必使其有餘始可爲治黃利運之用東西兩壩所以調劑盈虛權衡蓄洩者也西壩常宜保守以抵禦黃流無庸輕動東壩則視水勢之消長酌量盈縮以爲拆修冬春湖水未發將壩接長收窄口門預蓄以培其不足夏秋湖水盛長將壩拆短放寬口門宣洩以瀉其有餘惟期助淮之弱抑黃之強無使遏淮倒灌合趨以注海是淮黃並行而不相悖全資清口蓄洩之適其宜也先是運口與清口切近直對濁流易於倒灌運道屢梗迨後數經更移未得其地臣於乾隆二年恭請

聖訓移於舊運口迤上七十餘丈與三汊河相接得以避黃而納清第運口分淮入運爲淮揚



三百里之咽喉以通漕運惟量分湖水足以濟運而止無庸過多以致汎溢前明曾建五閘以爲收蓄因年久傾廢嗣後修復天妃越河石閘各一座不足以資節束每於湖水長發下有吸川之形上有建瓴之勢空重漕船過閘甚爲危險而高寶一帶每致溢岸盈堤

臣高斌於大挑運河案內奏請於運口之內

建草壩三座惠濟正越兩閘之下酌建正石閘二座越河石閘二座又於二閘尾各建草壩重重關鎖視水勢之大小更換啓閉庶水平溜緩操縱由人

臣高斌又於乾隆十一年

奏請運口頭二三壩口門俱收窄以四丈爲度俾源頭進水有節則下游自無盈溢之虞近年以來淮揚兩郡河水安瀾現今重運經臨正值汎水長發之候而惠濟各閘水勢平緩糧艘挽拽過閘便易非復昔時危險



高寶諸湖之水歸入運河邵伯以上向從高郵車邏南關五里各壩分注下河入海邵伯以下向從金灣三閘及鳳凰壁虎橋灣頭閘各路分注由芒稻河入江查運河入江較入海之路甚爲近捷而運河之水高於江面通流順勢消退亦速若從興鹽等縣入海路旣遼遠又沿海地面昂於內地所有通海河港多被沙淤即使疏濬極深亦恐潮水內灌且興鹽一帶形如釜底運河之水稍大必先淹

過內地然後歸海是入海不如入江之便形勢顯然康熙三十八年恭逢

聖祖仁皇帝南巡奉有

諭旨將湖水河水俱由芒稻河人字河引出歸江如

有淺處俱令挑深仰見

聖謨廣遠洞悉機宜乾隆七年

臣

高斌面奉

皇上聖訓將邵伯以下入江之路酌量加增

臣高

斌遵奉

諭旨詳勘會奏於金灣滾壩之下東西灣地方添

建滾水壩二座並挑引河復將仙女廟金灣對過之越河及通江之石羊溝董家溝俱行增挑其原有之金灣壩下並鳳凰橋引河及通江之廖家溝秦唐港白塔河百汊港各河道則大加疏浚並於各河頭分別建立閘壩每年視水勢之大小相機啟閉以資宣洩臣謹按運河入江之路本為便捷今河道又經加增則高寶湖水自足以資分洩其邵伯迤上高郵各壩非遇異常泛漲無庸輕啟臣現在遵守辦理高寶運河東堤以下與興鹽秦阜一帶民田俱得豐收而湖河入江分洩利便並無阻滯之虞

野並無田器之與

阜一帶只田具骨豐郊而隨河人其衣與

宜數守穡賦高資數所東具以不與與

下

河

圖

高寶兩境運河東堤建築閘壩凡十四處皆洩湖河溢漲之水由鹽城興化阜寧泰州以入海其來源本於洪澤湖每於伏秋湖水長發由運口歷清江淮安下注高寶城郭堤工俱當其衝不得不多求分減之路而下河高寶興鹽阜甘泰七州縣之田廬多成巨浸前河臣張鵬翮以啟壩慮爲害於民田閉壩又恐傷於堤岸隨將過水最多之五里車邏南關三減壩改爲石滾壩非值有餘不令過洩

以冀兩全之道後又歷經區畫而下河一帶仍難免於淹浸究之計其流而未究其源也

臣高斌仰遵

聖訓悉心籌畫來源於乾隆四年奏請洪澤湖之天然壩無使輕易啟放祇留三滾壩以資減洩又於大挑運河案內奏請於運口內建設閘壩旣以節洪湖之水使暢出清口足以禦黃又以保高寶下流無泛溢之患又查高寶一帶閘壩口門俱寬四五六尺不等節宣有

制惟五里車邏南關等壩俱各寬六十餘丈
 洩水過多今來源既減則此三壩無庸輕放
 其五里等壩俱用柴草堵築設遇洪澤湖異
 漲三滾壩洩水過多請酌量將南關車邏二
 壩啟放以減水勢其五里中壩地勢卑下洩
 水過大一經啟放則下河不能容受應請常
 行堵閉經臣奏明現在遵照而下河各支河
 又於水利案內蒙
 皇上發帑挑浚深通上減來源下通去路從前被
 災各邑得免淪胥無不仰戴

皇仁謳歌

聖德

聖諭


呈口

災谷邑魯民命首無不附

瓜

洲


圖



東

南

江大



西

北



大江源出岷山南流經四川松潘衛歷夔州府出三峽至漢陽大別與漢水合流經江西九江府入江南至瓜洲江口又東至通州入於海先是沿江本無工程康熙三十二年前河臣于成龍題請將瓜洲儀徵河道交江防同知管理五十五年奉

聖祖仁皇帝諭旨江流日漸北徙衝刷瓜洲城垣必致危險事關民生若不預爲籌畫修堤保護斷乎不可著江南督撫察勘詳議一面動帑修築一面

奏聞欽此經河臣趙世顯等題請於息浪庵前建築護城堤埽工程又花園港等處建築埽壩各工歷年歲搶修防至雍正五六年以後江溜北趨直逼瓜洲江岸逐漸塌卸逼近城垣甚屬危險前河臣嵇曾筠於瓜洲沿江拋填碎石增修埽工共長三百三十六丈五尺保固江岸始獲平穩其揚州迤下十里爲三汊河一通瓜洲一通儀徵故名三汊自三汊河至儀徵之沙漫洲江口共五十五里專資鹽

運並江西湖廣安徽等省漕船由此入運江
 潮吞吐靡常易於淤淺建設響水通濟邏泗
 攔潮四閘隨時啟閉以資鹽漕運行臣高斌
 謹查瓜洲江面寬濶潮勢洶湧兼之風浪湍
 泮一經塌卸衝刷最深椿埽一時難以施工
 惟在未做埽工以前先用碎石拋擲填平其
 底既做埽工以後復以碎石護其根基則雖
 有風潮不致輕易掣動崖岸方能保固城垣
 可以無虞

鎮江京口圖



鎮江府京口為江浙兩省糧船由運入江之
 要道東西諸山環繞崗連高阜惟京口臨江
 一面地勢平行居民稠密向有談家洲以為
 外護雍正十一年間江溜刷去談家洲直逼
 京口坍塌崖岸街道民房俱有傷損關係緊
 要前河臣嵇曾筠於雍正十三年奏明照瓜
 洲之式拋填碎石下埽護岸得以平穩現在
 埽工長一千一百一十八丈臣高斌敬謹修
 防不敢疎忽

清江東岡壩圖

南巡盛典 卷五十三 河防 三

清口東西壩爲淮水尾間會黃東注入海之
關鍵先是拘於蓄清成說又慮多費工料啓
閉未能合宜必俟山盱五壩過水始議啓拆
每致淮水泛漲由五壩旁洩高寶諸湖爲下
河之患乾隆二十七年春恭逢



翠華南幸

親巡規畫仰蒙

聖明獨斷酌定洪湖水勢遞展清口壩工以上壩
增一尺之水下壩開十丈之門溯源挈要以

收釜底抽薪之益三載以來臣高晉欽遵辦

理將東西壩隨時展寬是以上游淮水雖節
次加長而湖水俱由清口暢出會黃東注至
雲梯關歸海山盱五滾壩連年俱未過水下
河各州縣濱河地畝歲歲豐登沮洳悉成沃
壤億兆民生咸歌樂利萬世永賴焉



清黃交會實全河之緊要機宜從前因黃河北岸陶莊漲出沙灘大溜南趨頭二三壩多屬險工黃河正溜直逼清口每致倒灌為患
康熙三十八年恭逢

聖祖仁皇帝南巡

特授方畧於南岸建設

御壩挑溜北趨乾隆五年臣叔高斌推廣

聖意請建木龍護灘挑溜十六年二十二年兩次均

蒙

聖駕臨幸疊邀

睿訓二十七年春復荷

皇上指示於舊存三架木龍迤下添建木龍一架

聖駕陞關挺入河身與陶莊積土斜對自紮成以

後每年伏秋汛內挑溜北趨陶莊積土漸次

刷去南岸木龍之下新生沙灘長二百六十

餘丈寬四五丈至三十餘丈不等西壩以外

亦生出灘嘴長六十餘丈而

睿謨深遠審度萬全乾隆三十年二月恭逢

親臨閱視復蒙

聖明指示於四架木龍以下與陶莊積土緊對之

處再添一架俾挑溜更為有力 臣 高晉遵

旨續行增建現在黃流日遠清流暢出二水已成



並行之勢 臣 惟有凜遵

聖訓倍加謹守務期南岸淤灘寬長益挺出沙嘴

直逼陶莊衝刷積土淨盡大溜全趨北岸以

收清黃並流永遠安瀾之效

全
灣
濠
壩
圖



高寶湖河之水以山盱五壩爲來源以江海爲去路其歸江之路則在邵伯以下灣頭閘壁虎橋鳳凰橋西灣東灣金灣各閘壩宣洩便捷歸海之路則在邵伯以上高郵南關車邏五里等壩由興鹽等縣入海河道迂遠一經水長宣洩過多則下河每致被淹分洩不暢則運河又難容納歷年籌辦總無良法乾隆二十五年臣高晉將高郵南關各壩奏准封土三尺稍爲限制然歸海雖節其流而歸

江未展其路湖河盛漲之水一時仍難暢洩
二十七年恭逢



聖駕南巡指示機宜將歸江之西灣壩底落低四尺平時運河水勢未長已有尺水入江循序而進預減暴漲之勢並將金灣南閘改建石滾壩金灣河底加挑展寬十丈各壩下引河一律挑深由芒稻閘董家廖家石羊等溝暢達歸江復蒙

聖明洞悉全河形勢溯源挈要廣疏清口將東西

壩預為展寬洪澤湖隨長隨消三載以來五
 滾壩並未過水南關車邏等壩封土如故上
 河下河高低田畝歲歲豐收萬民樂利

而並...
 只平...
 聖駕南巡...
 二十...
 其未...

五
 洲
 江
 五
 圖



瓜洲沿江一帶原無工程嗣因江溜北趨衝
刷灘崖康熙五十五年前河臣趙世顯請於
息浪庵花園港等處建築護城埽壩雍正五
六年間江溜直逼瓜洲江灘日漸塌卸從前
設法搶護有用木櫃竹篾盛石沉入水中者
有用大舟載石鑿漏沉水者更有對岸開挑
引河及築壩挑溜者倍費工力均無成效惟
於江勢坍定之後靠崖拋填碎石以實其底
修做埽壩以護其灘雖不能保其永遠不坍

歷年照此辦理尚屬有益上年六七月間因
上游江水盛漲花園港一帶迴瀾壩埽工兩
次坍陷入江經臣高晉將辦理搶護情形恭
摺具



奏欽奉

硃批祇可如此與河爭地已難况與江乎欽此仰
見

聖明洞徹源流無遠不照臣恪遵

諭旨慎重辨理工完後江水日消灘未續坍就目

下情形而論瓜洲城垣似無妨碍惟是江勢浩瀚不測江灘坍漲靡常查瓜洲江灘從前離城數百丈至一二千丈數十年來雖不惜帑金竭力修防而江灘不能保其不坍現在離城窄處只存二三丈及十一二丈既難簽椿下埽又不能改建石工卽拋填碎石亦不過補偏救弊爲一時搪護之計若遇江水盛漲溜勢冲刷根底搜空則石隨浪淌仍不免於坍卸徒費錢糧終無實濟查瓜洲城本非縣治並無社稷倉庫惟城北居民尚屬稠密其城南沿江一帶多係空曠原非尺寸必爭之地與其費帑保城而江灘終不可恃不如將城收小讓地與江則江不能爲患而城可永固應請俟將來再看情形如江勢已定並不續坍或又漲出新灘自應仍循其舊毋庸置議倘溜勢仍復北徙衝塌崖岸城外並無餘地只應將城牆量爲收進讓地與江庶費省而不致生工矣



徐屬宿虹廳之黃河北岸夏家馬路一工雍正十二年黃河大溜北趨前河臣嵇曾筠修築壩臺下埽保護歷年歲搶修防該工外黃內運縷堤與壩臺相隔僅二三十丈中間係屬坑窪深塘素稱險要乾隆二十七年恭逢聖駕南巡

親臨閱視該工堤身單薄經臣高晉將該處應行放淤培護緣由面

奏請


訓荷蒙

俞允臣於是年夏相度形勢將工頭工尾開挑倒溝引渠二十七八兩年伏秋汛內每於黃水盛長相機開放上段下段俱澄淤八九尺惟中段尚未一律淤成二十九年臣復將中段磨盤埽迴溜處所另挑倒溝引渠水長開放今中段已與兩頭一律淤平測量內淤高於黃河水面三尺是從前坑塘俱已填平業有成效查該工雖已淤高水面三尺然淤益高

則工益固仍應接續辦理以期一勞永逸 臣
 現於新淤中間又復接挑溝渠以寬一丈深
 三尺為度將挖起之土分鋪淤面並將上中
 下三道引渠如式修整以備將來水長時再
 行開放進淤務期積寸得寸積尺得尺則黃
 河頂冲單薄要工得有後靠化險為平而運
 道堤工亦資鞏固

水城鋪硤石壩圖





南

西

北



東

豐碭廳屬之毛城舖碎石滾壩原爲宣洩黃河盛漲之水攸關緊要從前因壩工坍卸啓閉失時漫無節制以致洩水過多下游離河淤成平陸窪地常被淹浸乾隆二十二年叨荷

聖恩大興水利將下游洪濰二河挑濬深通並將毛城舖滾壩用碎石填平壩脊加高以爲重門節制其壩外支河如榮家壩竇家寨蔣家營傅家窪等處已成迎溜均堅閉不開惟唐

家灣地勢稍高向有倒溝引河可以減洩漫灘之水乾隆二十七年恭逢

聖駕南巡臨徐閱視北門外誌椿水勢仰蒙睿謨廣運因時制宜欽奉

上諭將毛城舖迤東之唐家灣引河俟徐城水誌長至一丈一尺五寸以上開放宣洩俟漫灘水落卽行堵閉欽此

臣

高晉敬謹遵守二十七八

兩年伏秋汛內徐城水誌加長逾誌將唐家灣草壩依時啓閉所減漫灘之水流入毛城

舖壩根水已澄清過壩僅止數寸及尺許不
等三五日內卽已斷流下游並不爲患二十
九年伏秋汛內唐家灣一帶並未漫灘南岸
之毛城舖北岸之蘇家山均未過水此皆

皇上垂示機要束水攻沙溜走中泓河底年深一
年之明驗也其北岸之黃村壩至大谷山一
帶無堤處所自乾隆二十三年奉

旨接築縷堤六十餘里數年以來黃水不致漫衍
堤內窪地悉成膏壤南北兩岸高下田疇咸
得一律豐登濱河黎庶莫不感頌

皇仁永資利賴

臣謹按治河之方肇自禹貢滌九川陂九澤
而兢兢以河為務河渠書曰禹以河所從來
者高水湍悍難以行平地迺醜為二渠播為
九河東注之海用是諸夏乂安勲施三代顧
古者河行北條入渤海今則全河匯淮委輸
向若江南地當下游襟江帶湖濱海之區功
益不易

聖祖仁皇帝屢幸江南指授方畧平成永賴
世宗憲皇帝大發帑金堅築高堰保乂民生我

河防

皇上仁天知神紹

聞善述宏敷導水之功自辛未洎乙酉

四幸河壩凡臣下規畫所未周知慮所不到仰邀
聖神睿照通籌形勢洞晰機宜乾隆十六年修築
高堰淮安石工創建山盱智信石壩而洪澤
湖天然土壩禁不得開二十二年徐州南岸
添建石工一千餘丈北岸築隄工七十里束
水攻沙黃河日深以達復

命大臣發帑數百萬挾其受病之源詳其利導之

法大興上下江水利不特南省奠安卽上游
豫竟諸水亦得所歸宿利賴甚鉅迨二十七
年三十年浚通江之西灣金灣興泰歲穫豐
稔浚通海之六塘鹽河葦蕘并利輓輸至清
河縣之南岸更增置木龍挑溜北走陶莊以
收清黃並行之效徐州之河則設水誌折衷
尺寸以定毛城舖啟閉之期

帝訓所頒蓋合節宣吐納曲成而不遺矣而黃運
橐籥莫要於洪澤湖口門之東西兩壩

宸心提綱舉要探本澄源式擴清口兩壩所開之門準石壩所過之水得寸展丈俾呼吸相應古所稱善爲川者宣之使導也於是淮水會河沛然行所無事而東歸於海矣自

玉輅親臨以來淮黃並慶波恬澤國均安衽席臣叔高斌暨臣高晉先後效職河干間竭其愚繪具圖說恭請

睿裁悉荷

訓示精詳懋昭經法神明於規矩之中損益於古

今之外是以大江上下瀕水之地沃野千里

自天降康其維

皇丕錫厥福哉大禹曰天下出水之山八千里受水者亦八千里江南受水者也受水而但受其利易所謂輔相天地之宜也溝洫志曰聖人作事爲萬世功通於神明伏思

聖謨深遠追隆古而宏禹績於以奠區方垂政府實惟億萬世無疆之庥臣高晉恭紀

入新寧會清野使歸...
 其極是視臨神降天賦...
 水香衣人于里...
 不設風師...
 自天...

今之... 大... 水... 山...

Handwritten mark or signature in the bottom left corner of the left page.

